

Pravosudna komisija Brčko distrikta BiH, na osnovu člana 14. stav (1) tačka n) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 116. Zakona o Sudskoj policiji Brčko distrikta BiH („Službeni glasnik Brčko distrikta BiH“, broj: 03/21) , na ____ redovnoj sjednici održanoj dana ____ godine donosi sljedeći

**PRAVILNIK
O UNUTRAŠNJOJ ORGANIZACIJI I SISTEMATIZACIJI RADNIH
MJESTA
SUDSKE POLICIJE
BRČKO DISTRIKTA BIH**

DIO PRVI - OPŠTE ODREDBE

**Član 1
(Predmet)**

Ovim Pravilnikom uređuje se uređuje se unutrašnja organizacija i sistematizacija radnih mjesta u Sudskoj policiji Brčko distrikta BiH (u daljnjem tekstu: Sudska policija), opis poslova i odgovornosti za radna mjesta u Sudskoj policiji, te broj izvršilaca, opšti, minimalni i posebni uslov za radna mjesta i druga pitanja od značaja za unutrašnju organizaciju Sudske policije.

**Član 2
(Cilj pravilnika)**

Unutrašnja organizacija, način rukovođenja i rad Sudske policije utvrđeni su tako da se obezbijedi naročito: zakonitost, stručnost, profesionalizam, blagovremenost u izvršavanju poslova, način vršenja i grupisanje poslova, uspješno i efikasno rukovođenje, kao i stalni nadzor nad obavljanjem poslova i zadataka.

DIO DRUGI – DJELOKRUG RADA I UNUTRAŠNJA ORGANIZACIJA SUDSKE POLICIJE

**Član 3
(Djelokrug rada)**

Sudska policija vrši poslove koji se odnose na prikupljanje informacija, dovođenje osumnjičenih, optuženih osoba, svjedoka i vještaka, lišenje slobode osuđenih osoba i osoba

kojim je određena mjera pritvora, sprovođenje osoba lišenih slobode, zadržavanje osoba lišenih slobode, provođenje sudskih odluka, fizička i tehnička zaštita objekata i imovine pravosudnih institucija i Sudske policije, održavanje reda u sudnicama i drugim prostorijama ili prostorima kojim se osigurava uspješnost vođenja odgovarajućeg postupka i izvršavanje drugih naloga pravosudnih institucija kojim se osigurava uspješno vođenje odgovarajućeg postupka.

Član 4 **(Unutrašnja organizacija i broj izvršilaca)**

Poslove iz nadležnosti Sudske policije obavljaju:

- a) komandir Sudske policije,
- b) zamjenik komandira Sudske policije,
- c) sudski policajac - vođa smjene – 4 izvršioca,
- d) sudski policajac – 16 izvršilaca.

Član 5 **(Komandir Sudske policije)**

Opis poslova i odgovornosti, te opšti i posebni uslovi za radno mjesto komandir Sudske policije opisani su u sljedećoj tabeli:

Pravosudna institucija:	Pravosudna komisija
Organizaciona jedinica:	Sudska policija
Naziv radnog mjesta:	Komandir Sudske policije
Opis poslova radnog mjesta:	• rukovodi Sudskom policijom i za svoj rad je odgovoran predsjedniku Pravosudne komisije, • inicira Pravosudnoj komisiji predlaganje zakona vezanih za rad Sudske policije, • priprema i pravosudnoj komisiji predlaže donošenje podzakonskih propisa vezanih za rad Sudske policije, • daje ovlaštenje službeniku Sudske policije za obradu ličnih podataka u vezi sa izvršavanjem poslova i primjenom ovlaštenja i s tim u vezi vrši nadzor, • predlaže programe obuke za usavršavanje stručnih sposobnosti službenika Sudske policije koji su sastavni dio Plana stručnog usavršavanja koji donosi Pravosudna komisija, • Određuje raspored radnog vremena službenika Sudske policije, • Određuje raspored dnevnih aktivnosti službenika Sudske policije, • utvrđuje plan korištenja godišnjeg odmora, • vrši ocjenjivanje rada službenika Sudske policije, • provodi postupak i odlučuje o lakšim povredama

	službene dužnosti službenika Sudske policije, • podnosi prijavu disciplinskom tužiocu o učinjenoj težoj povredi službene dužnosti službenika Sudske policije, • odlučuje o udaljenju iz službe službenika Sudske policije u skladu sa zakonom, • priprema i Pravosudnoj komisiji podnosi prijedlog godišnjeg plana rada Sudske policije, • priprema i Pravosudnoj komisiji podnosi mjesečni, polugodišnji i godišnji izvještaj o radu Sudske policije, • sarađuje sa pravosudnim institucijama i drugim organizacijama u pitanjima iz nadležnosti Sudske policije, • redovno izvještava predsjednika Pravosudne komisije o radu i preduzetim aktivnostima Sudske policije, • vrši i druge poslove propisane zakonom i podzakonskim aktima, • vrši druge poslove iz nadležnosti Sudske policije po nalogu predsjednika Pravosudne komisije.
Posebni uslovi:	• visoka stručna sprema ili završen prvi ciklus studija s ostvarenih najmanje 240 ECTS bodova, • najmanje 7 (sedam) godina rukovodnog radnog iskustva u policijskim agencijama na istim ili sličnim poslovima, • položen vozački ispit „B“ kategorije, • poznavanje rada na računaru.
Broj izvršilaca:	jedan
Platni razred:	VIII-IX

Član 6 (Zamjenik komandira Sudske policije)

Opis poslova i odgovornosti, te opšti i posebni uslovi za radno mjesto zamjenika komandira Sudske policije opisani su u sljedećoj tabeli:

Pravosudna institucija:	Pravosudna komisija
Organizaciona jedinica:	Sudska policija
Naziv radnog mjesta:	Zamjenik komandira Sudske policije
Opis poslova radnog mjesta:	• pomaže komandiru u rukovođenju Sudskom policijom i u njegovoj odsutnosti istog zamjenjuje, • vrši poslove nadzora i kontrole, daje upute, pruža stručnu pomoć i usmjerava rad podređenih, • vrši neposrednu kontrolu nad izvršenjem poslova i zadataka i u slučaju uočenih nepravilnosti preduzima

	mjere na njihovom otklanjanju i eventualno preduzima represivne mjere, • učestvuje u donošenju i realizaciji planova rada, • učestvuje u realizaciji programa stručnog obrazovanja i usavršavanja službenika Sudske policije, • učestvuje u izradi izvještaja o radu i informacija Sudske policije, • za svoj rad direktno je odgovoran komandiru Sudske policije, • obavlja i druge poslove i zadatke koje odredi komandir Sudske policije.
Posebni uslovi:	• visoka stručna sprema ili završen prvi ciklus studija s ostvarenih najmanje 240 ECTS bodova, • najmanje 5 (pet) godina rukovodnog radnog iskustva u policijskim agencijama na istim ili sličnim poslovima ili 10 (deset) godina radnog iskustva u policijskim agencijama, • položen vozački ispit „B“ kategorije, • poznavanje rada na računaru.
Broj izvršilaca:	jedan
Platni razred:	VII-VIII

Član 7 (Sudski policajac)

Opis poslova i odgovornosti, te opšti i posebni uslovi za radno mjesto sudskog policajca opisani su u sljedećoj tabeli:

Pravosudna institucija:	Pravosudna komisija
Organizaciona jedinica:	Sudska policija
Naziv radnog mjesta:	Sudski policajac
Opis poslova radnog mjesta:	• vrši prikupljanje informacija, • vrši dovođenje osumnjičenih, optuženih osoba, svjedoka i vještaka, • vrši lišenje slobode osuđenih osoba i osoba kojim je određena mjera pritvora, • vrši sprovođenje osoba lišenih slobode, • vrši zadržavanje osoba lišenih slobode, • izvršava zadatke na provođenju sudskih odluka, • vrši fizičku i tehničku zaštitu objekata i imovine pravosudnih institucija i Sudske policije, • vrši održavanje reda u sudnicama i drugim prostorijama ili prostorima kojim se osigurava uspješnost vođenja odgovarajućeg postupka, • izvršava i druge naloge sudova Distrikta kojim se

	osigurava uspješno vođenje odgovarajućeg postupka, • obavlja i druge poslove i zadatke koje mu odredi nadređeni službenik Sudske policije.
Posebni uslovi:	• srednja škola unutrašnjih poslova IV stepen ili druga srednja stručna sprema IV stepen sa završenom policijskom akademijom ili nekom drugom policijskom školom ili kursom za policajca, • najmanje 1 (jedna) godina radnog iskustva u policijskim agencijama, • da ima posebnu zdravstvenu sposobnost propisanu zakonom i podzakonskim aktima, • položen vozački ispit „B“ kategorije. • poznavanje rada na računaru.
Broj izvršilaca:	dvadeset
Platni razred:	I-IV

DIO TREĆI – PRELAZNE I ZAVRŠNE ODREDBE

Član 9

(Stavljanje van snage)

Ovim Pravilnikom stavlja se van snage Pravilnik o unutrašnjoj organizaciji Sudske policije Brčko distrikta BiH broj: SuPK-1567/11 od 23.12.2011. godine.

Član 10

(Stupanje na snagu)

Ovaj Pravilnik stupa na snagu osmog dana od dana objavljivanja u „Službenom glasniku Brčko distrikta BiH“.

Broj: SuPK-03-____/21

Datum: _____ 2021. godine

**PREDSJEDNIK
PRAVOSUDNE KOMISIJE**

Safet Pizović